



REPUBLIKA E SHQIPËRISË
MINISTRIA E MJEDISIT

**RAPORTI VJETOR PËR PROCESIN E KONSULTIMIT PUBLIK, TË
REALIZUAR NGA MINISTRIA E MJEDISIT, PËR VITIN 2025**

1. Përmbledhja ekzekutive *(pasqyra e statistikave kryesore mbi konsultimet e kryera me mësimet e nxjerra, sfidat dhe mundësitë)*

Gjatë vitit 2025, procesi i konsultimit publik është zhvilluar i plotë, sipas përcaktimeve të ligjit nr. 146/2014 “Për njoftimin dhe konsultimin publik” për 9 projekt akte, 4 prej të cilave janë miratuar në Këshillin e Ministrave.

Në zbatim të urdhrit nr. 3, datë 29.1.2021 të Sekretarit të Përgjithshëm të Këshillit të Ministrave, “Për miratimin e udhëzuesit për procesin e konsultimit publik”, konsultimi publik është parashikuar të realizohet edhe për ato projektvendime të cilat vlerësohen të një interesi të lartë për publikun.

Ministria e Mjedisit ka publikuar pas procesit të konsultimit publik, edhe raportet përkatëse individuale për rezultatet e konsultimit publik për secilin projektakt të publikuar në regjistër, duke përmbushur parimin e reagueshmërisë dhe llogaridhënies së këtij procesi.

Metodat për konsultimin e këtyre akteve janë përzgjedhur duke marrë parasysh kompleksitetin e akteve dhe implikimet që krijojnë tek qytetarët dhe grupet e interesit.

Nga monitorimi i platformës së Regjistrit Elektronik për Njoftimet dhe Konsultimet Publike (RENJK), vihet re se për vitin 2025 ka patur komente apo rekomandime për disa akte të konsultuara në këtë platformë. Komentet kanë ardhur me postë elektronike nga grupet e interesit.

Procesi i Konsultimit Publik krahasuar me vitin e kaluar është përmirësuar. Format e përzgjedhura të konsultimit kanë rezultuar efektive duke mundësuar mbledhjen dhe reflektimin e reagimeve të palëve të interesit në draftin përfundimtar më qëllim krijimin e projekt akteve të gjithë pranuar dhe që reflektojnë interesin e publikut.

Rritja e pjesëmarrjes së qytetarëve në procesin e vendimmarrjes nëpërmjet procesit të konsultimit publik mbetet sfida për t’u adresuar edhe më mirë nga institucioni ynë në të ardhmen.

2. Analiza e konsultimeve të kryera

2.1. Numri i përgjithshëm i akteve për të cilat janë kryer konsultimet publike

Numri i akteve të Ministrisë së Mjedisit që i është nënshtruar procesit të konsultimit publik dhe që janë miratuar në Këshillin e Ministrave, gjatë vitit 2025 është 4 (katër), konkretisht:

1. Projektligji "Për gjuetinë",
2. Projekt vendimi "Për miratimin e rregullave për trajtimin, shfrytëzimin, shitjen, eksportin, importin, administrimin dhe transportin e materialit drusor dhe të prodhimeve jodrusore pyjore, kategorizimin e rrugëve autopjore, përdorimin dhe standardet teknike të tyre, si dhe kriteret për shënimin dhe etiketimin e prodhimeve drusore dhe për prerjet shfrytëzuese në sipërfaqet me filizëri të zhvilluar mbi lartësinë optimale.
3. Projekt vendimi "Për miratimin e normave, standardeve, çmimet bazë dhe praktikat më të mira në fushën e pyjeve",
4. Projekt vendimi "Për disa ndryshime në vendimin e Këshillit të Ministrave nr.665, datë 21.9.2016, "Për eksportin dhe importin e kimikateve të rrezikshme".

Përzgjedhja e tyre është bërë në përputhje me ligjin nr. 146/2014 "Për njoftimin dhe konsultimin publik". Në zbatim të nenit 1, të ligjit nr. 146/2014 "Për Njoftimin dhe Konsultimin Publik" përcaktohet shprehimisht se ky ligj rregullon procesin e konsultimit publik për projektligjet dhe projekt dokumentet strategjike, kombëtare dhe vendore.

Në zbatim të urdhrit nr. 3, datë 29.1.2021 të Sekretarit të Përgjithshëm të Këshillit të Ministrave, "Për miratimin e udhëzuesit për procesin e konsultimit publik", konsultimi publik është parashikuar të realizohet edhe për ato projektvendime të cilat vlerësohen të një interesi të lartë për publikun, pra jo vetëm për projektaktet që kanë detyrimin për t'iu nënshtruar këtij procesi në përputhje me parashikimet e nenit 1, të ligjit të sipërcituar.

2.1.1. Cili ishte numri i përgjithshëm i akteve të miratuara në një vit të caktuar?

Projekt aktet e konsultuara dhe të miratuara brenda vitit 2025, me propozim të MMj-së, janë 4, 1 projektligj dhe 3 projektvendime.

2.1.2. Sa akte janë konsultuar dhe sa jo?

4 (katër) projektakte kanë qenë objekt konsultimi dhe janë konsultuar në masën 100% nëpërmjet metodave të ndryshme konsultative.

2.1.3. Sa ligje me raporte VNR-je janë konsultuar?

Për vitin 2025, rezulton që është konsultuar vetëm 1 projektligj me raport VNR-je, konkretisht:

1. Ligji "Për gjuetinë"

2.1.4. *Për sa akte në a) Programin Analitik, b) PKIE, c) dokumente strategjike të sektorit, janë përdorur kriteret/përfjashtimet nga konsultimet publike? Cilat janë arsyt kryesore për të mos u konsultuar (nëse ka të tilla)?*

Ministria e Mjedisit ka parashikuar në Program Analitik 2025, miratimin e 27 akteve, ku për 11 prej tyre aplikohen përfjashtimet e parashikuara në shkronjën "c", të nenit 4, të ligjit "Për Njoftimin dhe Konsultimin Publik".

Në PKIE, për vitin 2025 ishte parashikuar miratimi i 3 akteve.

Për 17 aktet e parashikuara në dokumentet strategjike sektorial/kombëtar, kriteret përfjashtuese janë aplikuar për 7 prej tyre.

2.1.5. *Cila ishte struktura e akteve të konsultuara (sa projektligje, VKM, udhëzime, etj.)?*

Struktura e akteve që iu nënshtruan konsultimit publik janë: 1 (një) projektligj dhe 3 (tre) projektvendime.

2.1.6. *A është përmirësuar situata në krahasim me vitin e kaluar (cilësoni)?*

Krahasuar me një vit më parë, konkretisht me konsultimin në vitin 2024, lidhur me kriteret apo përfjashtimet nga konsultimet publike, rezulton se numri i akteve të përfjashtuara nga ky proces është i njëjtë.

2.2 Metodat e konsultimit

2.2.1 *Cilat ishin metodat më të përdorura të konsultimit? (Jepni numrin e konsultimeve të kryera për secilën metodë - regjistri elektronik, posta elektronike, faqe interneti, takime publike, komitete këshillimore, etj.)*


Të gjitha projektaktet e miratuara për periudhën Janar-Dhjetor 2025 janë konsultuar nëpërmjet metodave të ndryshme të konsultimit:

Metodat e përzgjedhura për konsultim publik janë:

- Regjistri Elektronik të Njoftimit dhe Konsultimit Publik;
- posta elektronike,

- konsultim e këshillim gjatë hartimit të projekt aktit;
- tryeza të konsultimit publik pas përgatitjes së projekt aktit;

Grafik 1: Metodat e përdorura të konsultimit publik



2.2.2 Cila metodë konsultimi gjeneroi numrin më të madh të komenteve?

Metoda që gjeneroi numrin më të madh të komenteve ishte nëpërmjet postës elektronike, nga organizatat e shoqërisë civile të cilët zgjedhin që komentet e tyre t'i dërgojnë në adresën e koordinatorit të konsultimit publik apo personit tjetër të kontaktit, që është sipas rastit, specialisti përgjegjës për hartimin e projektaktit.

Gjithashtu edhe nga zhvillimi i dëgjësave publike janë gjeneruar një numër i konsiderueshëm komentesh.

2.2.3 A organizoi institucioni konsultime paraprake në fazat e hershme të hartimit? Nëse po, në sa raste?

Institucioni ka zhvilluar konsultime paraprake, në fazat e hershme të hartimit, për projektligjin "Për gjuetinë",

2.3 Kohëzgjatja e konsultimeve

2.3.1 Sa konsultime ishin të hapura për 20 ditë pune siç kërkohet nga ligji? Cila ishte periudha më e gjatë apo më e shkurtër e kohëzgjatjes së konsultimeve?

Për të gjithë projektaktet që i janë nënshtruar procesit të konsultimit publik, për vitin 2025, nëpërmjet publikimit në RENJK, është respektuar afati ligjor prej 20 ditë pune.

2.3.2 Cila ishte kohëzgjatja mesatare e konsultimit?

Kohëzgjatja mesatare e konsultimit ka qenë minimalisht një muaj, pra 30 ditë kalendarike, referuar afatit të publikimit në RENJK, të projektaktit.

2.3.3 A është përmirësuar situata në krahasim me vitet e kaluara?

Edhe për këtë periudhë, konsultimi publik në Regjistrin Elektronik për Njoftimet dhe Konsultimet Publike (RENJK) për të gjitha aktet e miratuara gjatë vitit 2025 u realizua në përputhje me parashikimin ligjor lidhur me respektimin e afatit prej 20 ditësh pune duke filluar nga data e publikimit.

2.4 Palët e interesuara të përfshira

2.4.1 Sa aktorë të jashtëm, jo-qeveritarë morën pjesë për hartimin e akteve si anëtarë të caktuar të grupeve të punës/organeve këshillimore në vitin e caktuar?

11 aktorë të jashtëm kanë kontribuar në procesin e konsultimit publik, gjatë vitit 2025.

2.4.2 Cila ishte struktura e anëtarëve të jashtëm të grupeve të punës (ekspertë individualë, OSHC, kompani, etj.)

Ekspertë individualë.

2.4.3 Sa palë të interesuara morën pjesë/dhanë komente në konsultime të hapura të realizuara për projekt-aktet në vitin e caktuar?

2 (dy) palë të interesuara morën pjesë dhe dhanë komente, në procesin e konsultimit të projekt-akteve.

2.4.4 Cila ishte struktura e kontribuuesve në konsultimet publike, sa persona, sa persona juridikë (ndërmarrje, shoqata, etj.)?

Struktura e kontribuuesve ishte si më poshtë:

1. Federata e Gjuetarëve
2. Këshilli Kombëtar i Faunës

2.4.5 A është përmirësuar situata në krahasim me vitet e kaluara?

Vlerësohet se situata në krahasim me vitet e kaluara ka ardhur duke u përmirësuar. Kjo gjë konstatohet nga rritja e numrit të pjesëmarrësve në procesin e konsultimit, të organizuar nga ministria. Gjithashtu, një tjetër tregues rezulton dhe nga monitorimi i faqes së Regjistrit

Elektronik për Njoftimet dhe Konsultimet Publike, pasi vërehet një rritje e numrit të qytetarëve që ndjekin projekt aktet e publikuara në të.

2.5 Rekomandimet dhe komentet e marra

2.5.1 Sa është numri i rekomandimeve dhe komenteve të marra gjithsej dhe mesatarja për çdo konsultim?

Për projektet e miratuara për vitin 2025, numri i rekomandimeve dhe komenteve është si vijon:

1. Projektligji "Për gjuetinë", 10 komente; 7 pranuar, 3 refuzuar.
2. Projektvendimi "Për miratimin e rregullave për trajtimin, shfrytëzimin, shitjen, eksportin, importin, administrimin dhe transportin e materialit drusor dhe të prodhimeve jodrusore pyjore, kategorizimin e rrugëve autopsyjore, përdorimin dhe standardet teknike të tyre, si dhe kriteret për shënimin dhe etiketimin e prodhimeve drusore dhe për prerjet shfrytëzuese në sipërfaqet me filizëri të zhvilluar mbi lartësinë optimale", 0 komente;
3. Projektvendimi "Për miratimin e normave, standardeve, çmimet bazë dhe praktikat më të mira në fushën e pyjeve", 1 koment, i pranuar;
4. Projektvendimi "Për disa ndryshime në vendimin e Këshillit të Ministrave nr. 665, datë 21.9.2016, "Për eksportin dhe importin e kimikateve të rrezikshme", 0 komente;

2.5.2 prej tyre u pranuan, u pranuan pjesërisht ose u refuzuan

Për 4 (katër) projekt aktet e konsultuara dhe miratuara për vitin 2025, numri i rekomandimeve dhe komenteve të marra ishte 11, nga këto u pranuan plotësisht 8 (tetë), ndërsa 3 (tre) u refuzuan.

2.5.3 Cila është tendenca nëse krahasohet me vitet e kaluara?

Tendenca e pranimit të komenteve dhe sugjerimeve të dhëna nëpërmjet RENJK, takimeve publike apo emaileve mbetet e kënaqshme, pasi shumica e komenteve të marra është reflektuar.

2.5.4 Sa raporte të VNR-së janë ndryshuar/përditësuar në bazë të informacionit/të dhënave të marra gjatë konsultimit publik?

Nuk ka patur ndryshime.

2.6 Raportet mbi rezultatet e konsultimit

2.6.1 Sa raporte konsultimi publikoi institucioni?

Për të gjitha aktet e publikuara në RENJK, për të cilat afati i konsultimit është mbyllur dhe është bërë vlerësimi i komenteve nga strukturat teknike, institucioni ka publikuar raportet individuale të konsultimit.

2.6.2 Nëse disa nuk u publikuan, cilat janë arsyet?

Nuk ka patur raste të mospublikimit.

2.7 Vetëvlerësimi i institucionit në lidhje me Indeksin e cilësisë së performancës institucionale në përputhje me kërkesat e ligjit për njoftimin dhe konsultimin publik (Jepni informacion për rezultatin mesatar për të gjitha aktet e institucionit, subjekt të konsultimeve publike, bazuar në pikët e rezultateve në Shtojcën 5c)

Indeksi i performancës për cilësinë e konsultimit publik për Ministrinë e Mjedisit është 8, për secilin nga projektaktet e miratuara.

3.Sfidat dhe mundësitë për të ardhmen (Cilat janë sfidat kryesore në organizimin dhe zbatimin e konsultimeve në ministri dhe si duhet dhe do të adresohen ato në periudhën tjetër të raportimit?)

Sfidat kryesore të konsultimit publik vijojnë të lidhen edhe këtë vit, kryesisht, me nevojën për një përfshirje më të gjerë dhe më aktive të publikut në këtë proces. Ende nuk evidentohet në nivelin e dëshiruar një kulturë e konsoliduar e angazhimit në proceset e hartimit të politikave, pavarësisht përmirësimeve të vërejtura gjatë periudhës së fundit.

Në vijim, me qëllim rritjen e cilësisë së procesit të konsultimit publik, synohet forcimi i ndërgjegjësimit përmes një informimi më aktiv dhe më të strukturuar të publikut, duke shfrytëzuar në mënyrë të përshtatshme zhvillimet më të fundit në mjetet dhe kanalet e informacionit.